

觀光游草

完

1
152

朝書園泉第					
冊	号	架	函	屬	類

099337-000-6

1-152

觀光游草

岡 千仞 / 撰

M21

DBV-1791



草觀光



徐題

游



序

詩雖小技。非讀萬卷之書。則不能窮其妙。非行萬里之路。則不能發其奇。李白蜀道難。杜甫北征。東坡之鳳翔八觀。放翁之劍南諸作。是也。我邦近世以賴子成爲作家。今就其集而論之。西游諸篇。最爲傑作矣。仙臺岡君振衣爲當今文豪。近刻意詩章。殆與古名流爭光。往年刻東旋詩紀北游詩草諸編。其詩悲壯感慨。沈鬱頓挫。有擊破唾壺之槩。殆亞子成作。振衣好游。曩者游漢土。自上海探蘇杭之勝。北抵燕京。觀萬里之長城。南至廣東。察香港市場之盛。於是。有觀光紀游及游草。請予序游草。予受而讀之。其作多五七近體。雖典麗可誦。沈鬱悲壯。讓東北諸編。何也。蓋

振衣平生所讀之書。則唐虞三代及漢唐以下書。燕京朱明以後所都。非長安洛陽耳。嘗熟者之比。如上海香港。則古無所聞。市場雖盛。固爲俗地。蘇杭之游。纔止於闔閩城。而四明之天台。溫之雁宕。未遑往探。而長江一帶。金陵武昌漢口赤壁諸勝。付之後游。廣東則未履庾嶺潮州等地。其所游。與其所講異。撰是固不足發其所蘊蓄。宜其作不及前編也。然此非振衣所爲。天實爲之也。何則。振衣此游。適有法蘭西之亂。國中騷擾。不喜外人。尋有朝鮮之變。彼深猜疑我邦人。忌入其內地。遷延間。罹病奄冉。囊橐一空。輿病東歸。故振衣此卷。不及前編者。天實爲之也。然如其紀游。則際會時變。慷慨扼腕。論辨機宜。彼土名流。皆禮待

之。亦足以見是行之不徒然。其詩不及其文。固不足爲異也。振衣雖老且病。志氣矯然。他日再游。以發其餘蘊。未爲晚也。

皇明治丁亥九月

水戶 青山延壽撰

序

鹿門岡君以能文名天下。向者航上海。游杭蘇。北窮燕薊。南極粵南。弔古墟。尋勝蹟。接名流。交俊豪。耳目之所觸。感慨之所係。得詩若干首。名曰觀光游草。其詩沈鬱悲壯。無一細響。讀之。覺金石震動。風雲變化。鹿門懷經世之畧。而不得試之當世。屏跡林下。一意著書。期不朽於百歲之後。其詩固屬緒餘。而其所作。卓絕時流者。蓋有耿介伊鬱之氣。蘊於中而不發也。其航漢土。俯仰江山。憑弔今古。舉其鬱勃欲遏而不可者。一托詠歌。始無意作詩。而岳躍海湧。愈出愈奇。比諸世績藻風雲。彫雕蟲魚。競織巧。鬪綺靡者。不啻星淵也。余與鹿門訂交。在三十年前。當時年少氣銳。

竊謂余少鹿門八歲。積歲月工夫。則與之頡頏上下。齊驅中原。不敢多讓也。而中年遭喪亂。一蹶不振。跼蹐僻隅。文字之業日蕪。以今日視鹿門。殆爲鴻鵠既翔於寥廓。而羅者猶視夫藪澤之想也。鹿門語余曰。此游遇病。不果溯長江。他日將更裝囊橐。一帆西指。浮洞庭之湖。登岳陽之樓。探赤壁揚州之諸勝迹。歷覽金陵九江漢口之繁華。以償前游之缺。子獨無意於此乎。顧余雖驚下。壯心未死。鹿門果舉此游。余亦能理書劍。歷探長江諸名勝。吐一奇語。驚域外之人。未爲太難也。姑書之以爲序。

皇明治丁亥三月

磐城 大須賀履撰

引

余游漢土。與李芊仙王紫詮徐花農諸人周旋。講詩學。意謂作詩之難。不在聲調。而在神韻。不在陶汰。而在排憂。不在雕鏤。而在鍛鍊。顧余雖老。志力未衰。若能刻苦於此。積歲月之功。則古能作者。未爲難及也。此游所得。不下三四百首。皆一時應酬之作。無一足傳者。嚴加刪削。修爲上下二卷。以附游紀後。

明治二十歲次丁亥十月望 鹿門道人千仞誌

觀光游草卷上

仙臺 岡千仞振衣甫 撰

神戶黎理事招饗見贈長古一篇次韻以答。

翻。翻。黃。龍。旆。層。閣。倚。天。高。山。氣。浮。紫。翠。海。光。漾。泓。坳。一。臨。

千。里。勢。頓。覺。意。氣。豪。使。君。大。國。英。盛。名。衆。所。褒。藻。思。逐。屈。



宋。道。源。出。虞。姚。興。來。揮。筆。翰。神。采。凌。青。霄。此。日。陪。盛。宴。八。

珍。厭。煎。熬。顧。余。一。無。能。蜩。鳴。學。孟。郊。一。字。一。珠。淚。刮。腸。事。

鏤。雕。大。鵬。萬。里。翼。鷓。鴒。一。枝。巢。何。爲。羈。海。域。徒。自。歎。颺。蕭。

巨。濤。躍。龍。鼉。長。風。吹。養。毛。使。君。嘉。微。志。辱。收。列。下。交。雄。句。

辱。投。贈。深。盃。苦。慰。勞。滿。酌。不。敢。辭。扶。醉。上。車。輶。



長崎酒樓留別丸山子堅引

丸山子堅官于鹿兒島聞余此游出送於長崎

出餞不難五百里。友誼幾人如吾子。張宴瓊浦第一樓。握
笑稱奇海山紫。瑤觴雕盤錯海珍。哀竹豪絲聘妙妓。傾倒
深感故人情。此席可辭百盃累。沈沈樓欄海月殘。醉覺恍
疑夢相看。衰世交道落市井。至性如子有幾人。

汽船抵上海賦示楊惺悟

覆嶂杳無際。大地一團氈。茫茫積水上。蜿蜒百怪游。鄒子
說八紘。秦皇求瀛洲。此事不敢問。徒自付悠悠。偉哉綠眼
奴。實理實地求。擴充水火用。汽氣行輪舟。一瞬千百里。往
返陸四周。余發海東僻。直指海西陬。電走三晝夜。唯見乾

坤浮。混混大海濁。始知長江流。昨見躍鯨鯢。今看戲鳧鷗。
吾游已禹域。只恠隘九州。萬家吳淞口。忽落眉睫頭。

王紫詮招陪袁翔甫倪耘劬錢昕伯劉子良姚賦秋

紫詮有詩和答翔甫隨園先生孫

一醉論交月下欄。沈沈清夜漏籌闌。廿年心折倉山集。相
見莫爲門外看。

纖纖眉月照危欄。銀燭飛觥酒興闌。到底隨翁真解事。不
如痛飲使余看。隨園詩曰。有酒余不飲。無酒余不歡。不如
欲飲故云。

題倪耘劬山塘聽雨圖

余嘗見耘劬桐陰清話紫翁坐話此事稱奇遇次

日示此圖。求余詩。耘劬曾官蘇州。山塘為虎邱勝地。

一自風流歸虎邱。繁華不復說揚州。君詩亦似生公舌。吟到曾游石點頭。虎邱有生公

十里山塘綠拖藍。吳門故事我曾諳。請君呼起他年夢。一帶煙光好共探。余就耘劬。謀蘇杭游。

酒樓賦似岸田吟香。

歐米大編簇水涯。東人眼小唯咨嗟。連街金線燃霆火。炎夏玉壺盛雪花。萬國中心通氣脉。五洲斯地競豪奢。平生自許博聞見。來此慙吾猶井蛙。

豪來狂叫酒樽前。醉膽輪困欲薄天。車馬轟雷忙日夜。絃

歌涌海熱乾坤。功名百歲一彈指。劫火九州幾變遷。艦旆翻翻英法普。可將雄畧讓他先。法國使臣率軍艦論安南各埠。

舟發上海。

篙郎沽酒市橋東。岸樹如煙沈暮鐘。一洗海城歌吹耳。孤篷聞雨泊吳淞。

抵蘇州。

萬舸中間交畫舫。吳門風物棹姑停。姑蘇城外楓橋岸。恍訝斯身夢裡經。

形勝千秋尚壯觀。女牆迤邐遶江干。東門扶目總閒事。一夜胥城風雨寒。蘇州城傳為吳子胥所築。

觀盛氏留園

曲曲迴廊級級樓。恍然身入瀛洲。吾游先自吳門始。且向留園半日留。

游滄浪亭為蘇舜欽遺蹟

名賢遺蹟碧江濱。滿壁留題香火薰。安得蘇黃拳大字。豐碑六尺勒歐文。

石門縣寄懷楊惺悟

李白掛帆何處邊。吳山越水渺連天。離愁當日消魂處。郊樹依稀起暮煙。李白歸石門舊里曰將欲辭君掛帆去離魂不散烟郊樹

西湖

萬頃鱗波縮綠紋。臨安西郭湧金門。平生諳熟西湖勝。和

靖祠堂蘇小墳。

宋代帝陵烟雨稠。六朝遺蹟白蘋洲。千秋餘得黃妃塔。長鎮人間無限愁。

于謙祠前洲日頽。岳飛廟下渚雲開。英雄有恨留雄魄。粧飾湖山作氣來。

海潮寺呈普照禪師

萬里無心度海潮。名僧求道自唐朝。偶然是日參猊座。唯覺塵根暗自消。

有一除姓人。曰瀛島徐福所開。安知今日東人非我族姓乎。詩以答。

徐福當年去避秦。蓬萊瀛島萬般春。須知四海皆兄弟。不

問童男五百人。

山陰舟中

八月胥濤捲大河。千年禹穴占巖阿。放翁佳句少來誦。何意今從此地過。空明不着點埃塵。綿想扁舟訪故人。無雪猶堪乘逸興。况還大地白鏐銀。

蘭亭

妙蹟昭陵廟下藏。人間何得認真王。茂林修竹眼中是。後感斯文是此鄉。

禹陵

會稽山色鬱盤紆。于今歷代禁樵蘇。吁疇若事滔天水。九

州微禹我其魚。九年於外脛無毛。過門不入啓呱呱。天成地平果誰力。昏墊土為文明區。垂拱聖德優百代。孰若治水功最殊。大功固應食大報。休惟謳歌戴遺孤。孟叟好辯不及此。昌黎答問論大疎。衡山中裂遺碑出。撫摩千古獨長吟。碑刻在異字曰禹治水告成功衡山神者嘉靖年間衡山土裂所出。

慈溪諸王以余知泰園琴仙畢侯饗待頗殷硯雲有詩和答。

吟場酒席喜相陪。傾倒感君收下才。童輩亦忻迎遠客。笑言他自日邊來。

君弟君兄吾友行。花前月下幾飛觴。百篇倡和悉狂態。吾比君狂更狂。硯雲有君須怒吾狂句。

天童山賦贈僧寄禪

天童名久藉東瀛。登覽聊摠羈客情。寺逕境幽千竹蠹。禪
 扉畫鎖萬蟬鳴。林巒浮出樓臺影。朝暮打來魚鼓聲。深契
 偏因師捻起。玲瓏巖上悟三生。寺背巖壁十丈曰玲瓏巖。有王安石石王陽明諸人題詠。

登寧波天峰塔

何處登臨濶客愁。距天咫尺有層樓。鱗次甍瓦陶猗屋。林
 立帆檣歐米舟。墟落風雲自今古。并吞世界別春秋。澄清
 誰抱中原畧。極目蒼茫海日收。港繫歐米軍艦中。法事急人心洶々。

發慈溪王竹孫送至硯雲家留宿三日有送別四首
 和答。

蘇州南去是杭州。載筆試爲汗漫游。夢寐多年諳勝蹟。唱
 酬此地足名流。蘋風江上宜消暑。蟲語草間已帶秋。單舸
 訪君夕陽岸。田車輾轉開耕牛。

不才昔嘗列微官。敢道丹心爲國殫。衰朽未甘林壑老。殊
 方去覓友朋歡。名園勝地詠題遍。水驛山程客夢殘。最是
 四明山色好。獨憑江閣捲頤看。

休笑絮言類老婆。維舟惜別大江阿。論交薄俗炎涼足。涉
 世人間岐路多。君業千年河岳重。吾詩一網海山羅。四方
 本是男兒事。未肯道途嗟鬢皤。

滿目風塵多所思。憂天休笑杞人癡。百年昨是非。今是白
 髮新。知勝舊。知文物由來無似浙。勝流此地久推慈。何禁

千萬里山海。明日孤舟自是辭。

題竹孫畫梅

平生無一首。不是不愛梅。只恐著凡句。損他花格來。

仙林寺小寓似無適師

跋涉千峰又萬巖。劍書來寄老禪庵。前身行脚君休笑。清曉炷香禮瞿曇。

煙店歌

中土煙毒盛行。不特小民嗜之。士大夫亦酒之。不特庸愚者溺之。聰明人亦泥之。人人明知其毒人。不敢自拒絕。無謂甚者。賦此以諷。

滬上繁華千萬戶。中有煙館擁大路。一穗熒然玻璃燈。並

床對臥吹且語。手捻玉管燎煙液。氤氳遶帳煙縷舉。心魂恍入黑話鄉。一吹頓失千萬苦。吹煙樂兮樂與比。真個煙館是天府。漢貨第一推絲茶。絲茶換煙煙有涯。聞說印度千萬頃。瀾天只見罌粟花。又聞江西諸州郡。爭種罌粟易桑麻。沈酒煙能移人性。憔悴煙能縮人命。此事坐視不敢問。泄泄誰謂國有政。嗚呼蚩蚩之民有何罪。嗚呼蚩蚩之民實無罪。

題罌粟蓬萊閣秦皇東巡刻銘今不知何地

客自十洲洲盡頭。颺然來倚玉皇樓。城郭人民非復昔。使人眼閱三千秋。

東巡秦帝有遺臺。入海徐生去不回。一槩休將迂恠例。大

瀛東去果蓬萊。

天津

遠客來憑津上亭。群鴻嚶嚶叫寒汀。何勝極目望鄉處。日出東方是黑溟。

曉發

殘燈兀兀聽雞鳴。滿地霜敷凍月傾。踏盡天涯千萬里。馬頭明日入燕京。

和徐大史見贈韻。

當代詞才誰絕倫。嘉君龍榜掌絲綸。彩毫煥發萬言湧。華押陸離五朶新。有道方逢中興日。殊方不乏素心人。晁卿去後一千歲。久矣無斯文字因。

徐大史出日邊唱和草堂話舊二橫卷。徵余續和。

燕京萬古帝王州。報捷幾人斯志酬。第一策名龍虎榜。三千草牘鳳凰樓。長紉玉勒朝天闕。夜直宸垣聽漏籌。如此書生足增氣。慙余道路雪盈頭。

富貴區區不足論。一朝名字動禁闈。抽毫日下天顏麗。調

鼎國初祖業存。君祖文達公。乾隆年間名相。窮盡三才待來學。刻將萬

卷答師恩。曲園先生諸著。多須大史校訂。情交叩辱金蘭契。只合此榮傳

子孫。

論詩何必主三唐。謾詠胸懷資舉觴。老後功名一無有。醉中爾汝兩相忘。好從酒上交賢聖。慵向世間爭短長。是夜草堂尋舊雨。酣歌不覺月過牆。

和朱翰林見贈韻以答。君實爲晦菴先生若干世孫。此遇一何奇。訂交陳厥初。君是名族胄。實出新安朱。自秦漢而後。佛老乘我虛。異言紛然起。洙泗邈其徂。君祖應運起。群言盡爬梳。發揮性命蘊。窮斯道。權輿思孟絕。統後大道。粲然據。削史繼麟經。忠褒姦之誅。說微必徵顯。論精不遺粗。後事斯文者。推爲群言樞。鯁生異域。高風慕大儒。譬猶恒華崇。暨足苦難踰。是日始進謁。延接寬拜趨。風采照四座。文鋒射斗墟。道義世濟美。取舍與俗殊。贈我瑤瑤篇。盡是咳唾餘。豈敢當推獎。徒自慙庸愚。勉余百年業。忠言心藏諸。君學大河海。余器小溝渠。苟知志斯學。豈謂非吾徒。杳然春風坐。玉案陳酒壺。有思不敢外。百紙借毫書。

送奧書記東還

燕京塵土晝濛濛。爲客天涯兩度逢。此別再逢何地是。猶餘絕塞萬千重。

重九書感

萬里長城入眼來。未將壯志付寒灰。聊攄弔古無窮感。敢道登高能賦才。崇壘摩天平楚絕。層樓拔地大都開。燕山爲客逢重九。惆悵祇應詩句裁。

和人秋思

千山秋一色。天地入悲哉。生憎髮盡白。不倚望鄉臺。

宿三平臺僧房

西山一帶沒白雲。楓栢飽霜墜葉紛。山犬見客驚群吠。黃

昏來敲古寺門。老僧眉白貌如仙。欣然揖我爲上賓。自言有寺一千歲。未有東客來。此間吾游萬里踰海岱。恍然魂游九天外。無乃三生有夙緣。香火寶地參妙契。夜深人定松籟起。寒月出嶺照霜砌。客枕徹曉不交睫。時聞華鯨吼上界。

八達嶺望塞外曠野莽蒼連天有感。

休說龍沙堪斷魂。好開鐵道合星垣。長城萬里真兒戲。欲起秦皇地下論。

赴保定途上詩紀所經。

炕爐宿火聽鷄鳴。半夜起僕作飯羹。弊裘滿地霜如雪。曉月暉暉照荒城。隴仄溝湮行路阻。天寒野曠鴻鴈鳴。朔風

蕭起天如墨。塵土撲面晝冥冥。皮膚皸瘃無顏色。羸馬日與短晷爭。蹇余此生何所求。好事試此殊域行。千山萬山皆生路。觸目無物慰羈情。暮投村店燦燈火。放懷有如得蘇生。一醺村醪萬事休。臥聞槽馬喂芻聲。

下潞河

江上風威萬木摧。荒雲寒日鴈聲哀。雪花如席直虛語。只駭層冰盪浪來。李白句曰。燕山雲片大如席。

天津逢倪耘劬

津亭握別意無涯。歛澹微陽射浪華。細雨春風申浦上。期君金盞醉梅花。

太沽口

岸上村家數點燈。繁霜滿地月光凝。北風一夜吹滄海。萬頃凍成三尺冰。

艦室見廣西孝廉金搏雲倡和排悶。

懊惱宛如中酒餘。殷殷臥聽轉雷車。此間安得陳琳檄。一讀使吾頭痛除。

淡雲微月小姑詞。瀛客亦能解賦詩。古有阮亭今蔭甫。賞音不乏伯牙知。俞曲園論定日東名家詩。撰東瀛詩選四十卷。實為藝苑巨觀。

何啻藝文傳李唐。楚騷久已賦扶桑。逸書儘足證三代。好校聖經駁紫陽。

瓣香當代拜香山。一部采風見豹斑。白也千秋呼不返。賦詩誰送晁卿還。

心旆搖搖搓路長。論交不問各殊鄉。他年入夢即今夕。落日射波海色蒼。

聞韓地變驚賦。

韓王與我盟弟兄。手書求援一何急。此日盛宴饗外賓。忽皇忽見七首集。何知亂黨連大國。萬砲四襲勢孤立。亂兵屠殺及無辜。婦女宛轉仰天泣。行知東洋日多事。東望眼穿。嗟何及。

邀饗李芋仙王紫詮曾重伯何桂笙錢昕伯聚芳園。

和桂笙韻。

萬紙爭傳唱和詩。文豪名字四方馳。功名無分有為日。風月多情初老時。塞北雲煙歸壯語。粵南波浪鼓雄思。問君

說客舌三寸。孰與吾人筆一枝。申報記余游上海。曰日本文豪岡鹿門。携著書千卷。為中土之游。桂笙為申報社員。

寺田望南招飲紫詮芋仙重伯易實甫黃夢畹與諸子和望南韻。

卜來良夜此相過。歎灑酒盃紅漾波。殊域游如萍梗泛。中年感向友朋多。干戈滿地茫茫歎。江海無邊浩浩歌。壯士未容道途老。醉將長劍手親摩。

滬上汗漫一歲過。朔風吹雪海揚波。即今天地戰塵暗。自古詞人感慨多。游倦未成歸去計。豪來漫唱莫哀歌。誰能長嘯却胡虜。醉見艦旗相盪摩。

廣業樓與望南守歲。

萬瓦連空扼海門。天涯是夕暗消魂。鏡中霜雪催雙鬢。夢裡關山渺故園。剩得百年驚冉冉。愧無一事裨元元。不眠燈下餞徂歲。猶喜親朋共酒樽。

與紫詮望南飲別

夜飲江樓別故人。市聲燈影已新春。無聊心事托詩酒。未肯行歌甘隱淪。忤俗骨憐徒骯髒。談兵膽覺漸輪囷。今將浮海南游粵。浩蕩白鷗誰復馴。

航香港口占

橫海大艚晝夜行。舷窓唯聽百雷轟。鵬搏鯤躍總間事。一轉舵間八萬程。

走艦入珠江。法寇方急。候臺森列大砲。備禦極嚴。

扁舟直指虎門關。此老慣經兵馬間。奇策未難寒虜膽。真才誰復濟時艱。星聯烽火連隣域。林立旌旗擁海灣。請見狂瀾洶涌上。一雙占得白鷗閒。

薛謙谷邀陳木公及余劉氏水莊和謙谷韻

謝君迎我遣羈愁。載酒名園盡日游。爛燦窓階栽異卉。芬芳山海雜珍羞。沈沈月下消良夜。落落坐中無俗流。燈火星羅萬家岸。美人扶醉共登舟。

桂棹來過臨水莊。不關風雪歲將陽。颺零嶺外耽詩酒。勳業鏡中催雪霜。同甫大言聊自快。元龍豪氣有誰當。殊方邂逅談心事。知否楊君亦路旁。楊惺悟謂余曰。陳君今元失。

謝徐次舟贈端硯

故人贈我尺球琳。抹月塗雲愜素心。笑比尉他酬陸賈。橐裝有此直千金。

香港客舍臥病醫勸乘轎出游

四面轎窓望杳然。羊腸斜逕接層巔。天涯病客有清課。晴出見山陰午眠。客中風物屬芳菲。臥病粵南猶不歸。萬事人間唯所遇。反思吾道未全非。

扶病搭輪船東還賦長歌述懷示姪濯

腸中便便萬卷書。不能座鎮廊廟使。風俗如唐虞。腰下爛爛三尺劍。不能四征不廷濟。下民之昏墊。徒自兀兀偷生。

黃卷底。與他蠹魚。甘枯淡。又知此事。有命存。聊以壯游。吐
氣。炤輪船。蹴破大東洋。陽侯先驅海若藏。混混長江接大
海。背顧海日出。扶桑維昔九州列。五服茫茫禹迹千歲邈。
句踐遺墟。飛鷓鴣。姑蘇臺址。游麋鹿。秦皇所築城。萬里八
達。嶺頭一極目。北窮燕山南粵海。滄溟無際環大陸。往古
百越今廣府。紛紛日夜涌。絲肉。余將去。此溯長江。經洞庭
之湖。九嶷之山。二妃所哭。濫瀕瞿塘。凌絕險。直過巫峽。西
游蜀。如何天嫉余。壯游沈綿厄。余霧露毒。霧露之毒。一何
酸。荏冉日與鬼相隣。食不下喉。藥之餌。伏枕羈窓。互十旬。
肉脫肌。消存皮骨。顛高眼陷。改容顏。未忍白骨委客土。爲
人所扶上輪船。耿耿壯懷死後已。腕下猶雄百千篇。試賦
長句。睨大海。魚龍蜿蜒。出浪聞。

海上望月

離海冰蟾鏡樣圓。的知三笠嶺頭懸。扶桑萬里非多遠。留
待上弦移下弦。

寄懷王紫詮張經甫

晁卿游倦苦思鄉。十幅風帆度大洋。良會不同明月好。白
雲愁色海茫茫。

觀光游草卷上終

觀光游草卷下

仙臺 岡千仞振衣甫 撰

燕薊覽古廿律

我邦仍隋唐故事。與中土訂玉帛之盟。余也一窮措大。以衰老餘齡。作殊域萬里之游。殆繼晁卿之武於一千載之上者。燕京金元以來帝都。感往傷來。寄感慨於山河。憑今弔古。寓諷刺於歌詠。賦覽古廿律。以紀游。

順天府

明世宗定鼎北京。規模宏大。覺羅氏嗣興。累康

熙乾隆之營築。塹壁之壯。宮闕之麗。實絕前代。唯粵匪亂後。內外多故。大厦宏第。損壞不修。康莊廣衢。陷爲壑谷狀。貧民襁褓乞食路旁。使人慘然敗興。

白河西去古幽燕。崛起層城薄九天。今古控持此形勢。興亡閱歷幾滄田。使人長想乾嘉盛。有客私歎光緒年。漂泊梁鴻無籍在。五噫詩就一愴然。

覺生寺

在西直門外。皇帝所禱雨。有洪鐘。表裏雕佛經。碑刻乾隆帝和沈德潛韻長篇。大意謂永樂帝悔靖難之役。興此寺。以懺罪障。永樂於建文。不

情最甚者。宜矣。有是懺悔也。

燕王爲帝飾禪扉。鉤屋洪鐘大十圍。曾此興師稱靖難。應知懺佛悔前非。淨庭晝寂松樓鶴。幽徑花薰客繫駢。感慨與誰論昔日。題詩詠古意依依。

圓明園

在覺生寺西北二里。康熙帝開此園爲離宮。雍正帝爲太子時居焉。前年英法之入侵。謀知同治帝避兵於此。間道襲擊。帝狼狽北遁。宮殿罹火。京城不守。俄人居間。出贖行成。

兵禍當年何慘其。玉樓金殿盡殘墮。唯將蕩矣委天數。誰不慨乎思往時。荒逕草埋紅玳瑁。敗磚人踏碧瑠璃。中興

諸將英謨足。聞道八旗征法夷。

萬壽寺

在圓明園西一里。萬曆帝像。普陀清涼蛾眉三山。建此寺。康熙帝再修。重殿層塔。盡用瑠璃瓦。瓦面陶佛像。其前爲昆明池。疊石爲壁。高七八丈。莊麗次圓明園。英法入侵。兵火傾圮。盡委荆棘。

人壽古來無百年。呼爲萬壽後人憐。淒涼金地噪寒鵲。狼籍寶階堆敗磚。祇樹林春搖落日。昆明池蘸廓寥天。酸將膏血塗堂塔。至竟佛緣是惡緣。

玉泉山

在萬壽寺西北半里。泉水噴出爲池。碑刻乾隆帝玉泉趵突四大字。有嚴華補陀金山三寺。七真呂公七寶諸洞。歷代天子避暑於此。今皆荒廢。

廢苑秋光鎖老寒。杖鞋是日試游觀。金仙遺像臥衰草。聖祖奎章壓敗欄。趵突泉從淵底噴。蜿蜒山自樹間攢。池頭餘得瑠璃殿。三塔宛然鼎立看。

普覺寺

在玉泉山西三里。有唐代臥佛。大二丈餘。全軀塗金。明代奄官。佞佛爲俗。競修佛閣。互誇莊麗。西山一變。爲佛地。康熙乾隆二帝臨幸。聯額碑

版。奎章。奐然。更生。光彩。

掩。苒。嵐。光。碧。四。圍。千。年。古。刹。據。崔。巍。雖。然。僧。俗。無。文。字。猶。覺。境。幽。忘。世。機。爭。刻。宸。翰。粧。淨。域。要。因。佛。力。鎮。王。畿。低。徊。到。處。添。詩。興。矗。立。塔。尖。映。夕。暉。

碧雲寺

在普覺寺南三里。元耶律楚材孫阿利吉捨宅為寺。明大監范宏拓新之。樓殿重疊。溪山環拱。藏經閣。鬻石建築。閣上五塔對立。中有龕室。安佛像。尤為奇巧。是日恭邸妃行香。

施。將。第。宅。起。禪。園。除。害。楚。材。有。是。孫。千。尺。頽。樓。河。漢。逼。萬。釘。畫。棟。斗。星。繁。果。然。唐。為。家。奴。覆。何。意。佛。因。奄。豎。尊。此。日。

王妃行香火。雲從輿馬簇朱門。耶律楚材常曰。與一利害。不如除一害。

居庸關

淮南子所謂八關之一。路行澗谷之中。兩峰夾峙。關據絕頂。匝壁二重。跨深壑。巨層巖。萬里長城是也。或曰。蒙古所城。距此三四十里。

北馬南船幾阻艱。吾行忽到居庸關。巨工感入千年上。絕塞望迷萬壑間。寥落閱來秦代月。莽蒼依舊漢時山。數聲城上胡笳起。一夜凋零壯士顏。

八達嶺

距居庸關三里。城壁綿亘。樓櫓隱見。四無人烟。比居庸關更為莽蒼。自此而塞外。槩稱曰新疆。

塞。上。探。奇。侵。曉。霜。此。生。誰。信。我。非。狂。澗。欵。巖。仄。叱。羸。馬。原。曠。草。枯。群。牧。羊。斧。劈。石。如。墓。董。巨。披。麻。山。似。學。倪。黃。茫。茫。大。漠。知。何。處。八。達。嶺。頭。試。一。望。

十三陵

在昌平州。自永樂帝至崇禎帝。凡十三陵。陵背起伏。為天壽山。重門三層。石獸石人。左右駢列。置司陵司香。寢門常鑰。

逆取順治。豈偶然。贊成先業。待英賢。峻威湯鑊。待莊士。下鼎幽燕。攬大權。孕亂初。從嘉靖日。救亡何補。崇禎年。誰思歎。息桓靈後。又見黨人刑。比肩。

大成殿

在安定門南。元時大學。永樂間。改為國子監。廊廟巍峨。極土木之壯。歷代御碑。紀四夷之功。墮下古碑林立。勒元明以來登科人之姓名。鄉貫。古栢十圍。傳為元許衡所植。

斯文豈賴帝王貴。知貴斯文即帝王。耀日崇薨森穆穆。參天古栢鬱蒼蒼。不分中外同尊信。何敢汚隆為有亡。前二千年。乘桴歎。果然傳統在東方。

石鼓

在大成殿門。石徑二尺許。為鼓狀。凡十。其一鑿為臼狀。曰在民家時。用為碓。金取汴京。載而北。元大德年間。移置大學。字六百二十。刳缺者二

百四十字。

訪古燕京晨裏糧。忽看石鼓喜將狂。雨淋日炙闕塵劫。肚
畫口籍屬渺茫。吏部作歌才力薄。穎翁著考語言長。魏存
猶是周時物。獨自撫摩立道傍。

文丞相祠

在府學側。明初所立。塑像朱衣端笏。笏刻衣帶
銘。廟戶題正氣歌。梁揭韓人頌文。壁嵌雲麾將
軍碑斷片。

何自說來十七篇。讀書應若此公然。千秋長繫綱常重。獨
力奮當家國顛。正氣歌辭門扇勒。帶衣銘語笏端鐫。梁相
時見韓人頌。久矣義風被四邊。

大液池

在西苑池上架石橋。欄楯大理石。刻獅子。玉螭
金鰲二牌。東西相對。橋上望見宮殿。苑中一假
山。曰景山。明時萬歲山。崇禎帝殉國處。

大液碧池涵禁垣。金鰲門對玉螭門。茅茨休說唐虞事。莊
麗始知皇帝尊。樓閣薄雲天尚隘。輪蹄填路晝猶昏。行人
背顧景山色。啼血杜鵑古帝魂。

黃金臺

在易州。燕昭王築黃金臺。待郭隗。今尚有遺址。
玉帛徵賢始自隗。黃金今尙說遺臺。人間誰重布衣士。天
下豈無王佐才。肝膽未猶知已試。容顏早既雪霜催。悲歌

一曲屠沽客。不覺唾壺醉。擊摧。

張將軍祠

在涿州樓桑里。塑像丈餘。威稜凜然。側安丈六鐵槍。曰長阪橋所手。

童時讀史記。曹劉萬里吾游忽。涿州義烈鼎銘雄。一代英靈廟。食鎮千秋度。德自降諸葛亮。爲神豈獨壽亭侯。身是張飛目眦裂。猶思長阪手戈矛。

蓮池書院

在保定府。元賈輔之治園。開書院。築萬卷樓。後郝景山住此。老樹鬱蒼。園池幽邃。康熙乾隆二帝臨幸。爲一方勝地。

殷紅楓柏映清漣。幽賞恰宜霜後天。一代人亡留勝迹。千秋道貴賴儒先。壁頭稷帖歲星古。池上御碑日月鮮。朗朗書聲隔林舍。聖皇朝試是明年。

易水

在雄縣趙北口。爲古易京。即高漸離送荆軻擊筑悲歌。作變徵聲處。

猶思壯士髮衝冠。依舊蕭蕭易水寒。感激不難刎頸送。箕踞大笑遶階觀。自知遲速同亡滅。深愧尋常謀苟安。書盜何曾妨義烈。兒童今尙說燕丹。

天津

明都北京。築三鎮城。以防海寇。天津其一。白河

自北。衛河自南。至此合流。東南海漕。皆由此港。
爲北海大埠。

萬檣林立是天津。燕薊吾游迹已陳。世事消沈無晝夜。乾坤蒼茫暗埃塵。唯將千首寄豪興。安得九原起古人。旭日旗章表公館。東西二域同比隣。

大沽口

在白河海口。往年砲擊英法使艦之處。兩岸砲臺。屹然對峙。法寇方深。四募義勇。役丁旁午。盛修戰備。

曾摧巨艦此江干。寇結兵連了局難。爭頌功勳鏤白玉。何圖炮火逼金鑾。妖氛蔽海悲當日。壯壘摩空倍舊觀。安得傾將東海水。洗除殺氣瀰天漫。

香港雜詩三十首

余在廣東。觸癩毒。就治香港。病勢愈劇。服治兩月。始得起步。香港屬英領。五方雜處。風俗殊異。病床無事。乃舉觸耳目者。爲詩。得紀俗絕句三十首。非敢仿尤侗外國竹枝。聊遣病鬱爾。

三年成邑五年都。經始偏驚均聖謨。富庶蒸蒸十萬戶。崇堯雕宇擁康衢。

香港本無名海島。道光十一年英人相其爲天然。良港逼中土占據。開埠場遂爲東洋第一盛埠。萬戶仰瞻十字標。重重天閣薄青霄。褒衣辮髮支那樣。手戴約書演戒條。

天主堂凡五所。教師有監牧總司。教會有官設民設。官給費用。建殿堂。爲官設。信徒捐資。請牧師立規約。爲民設。教侶往往辦髮。以投中土人心。似帶康莊駟馬行。如梯磴道昇。宛然有似半天塔。一級級凌雲幾層。

埠頭狹隘。開崔嵬爲市場。縱橫街衢。直至山腹。歐人豪侈。橫路駕車。豎路乘轎。不敢徒行。

珍卉異葩。從海西飾粧巖壑。倚峭岬。不病圃方過百里。游觀一一與民偕。

公園占山半腹。珍禽奇草。異葩靈藥。無一不有。中有沼池。噴水丈餘。極布置之妙。士女縱游。唯中人。

日曜以外。不得入觀。

競馬園場是賭場。千金一擲盡如狂。星精龍種疾飛電。萬目注觀群堵牆。

競馬場在北郊。環柵里許。春秋兩舉。歐人競馬賭。贏傾產不顧。蓋邦俗然也。

海。匝山圍千萬家。濛濛雲霧日光遮。其如陰鬱釀。疹癘時。燠無常。輒觸邪。

港背峻山入雲。日行山背。陰晴無常。空氣鬱。四方商旅。多病瘴毒。

窄衣低帽。簇成團。警海勁兵槍戟攢。示武東洋。要是地。休言香港小彈丸。

英耽視百年。其有香港盛築壘壁。屯海陸大軍。其耀威東洋。實源于此。

紅隊喧傳勁旅名。三三五五作群行。知他禮拜是明日。故街頭多醉兵。

總兵正副位亞港尹。每月演試驗練否。印度材武者。亦撰爲兵。隊中往往見黑人。皆印度人。歐俗禮拜前。半日官無文武放假。

攝生尤急氣新鮮。卜地也旋實理研。兩樣旗號標病院。水兵於陸陸兵船。

兵隊病院。一在山上。一在船上。水兵病者就陸院。陸兵病者就船院。

嶄絕山皆花鋼石。鑿山伐石石爲材。製糖修船巨工作。容易築成爐錘來。

港背峻山。皆花鋼石。質適工作。故築製糖修船陶索諸工場。費折半額。製糖場最盛。盡買台灣廣東各地甘蔗。製洋糖。我邦及漢土所仰。皆此場所製。激行過頂。固其宜。百出機關。競巧思。伏管疏。將山腹水。高卑分注。唯任爲。

地底伏鍊管。導澗水分。注戶內。壁設螺旋。一捻濺出。傑閣高樓。皆有此設。中人呼曰自來水。

漏盡更殘。寂百街。淒然風露燦燈煤。何邦軍艦夜投港。連砲鳴山撼屋來。

軍艦入港。放號砲十三發。砲臺應發亦準之。法事方急。各國發軍艦護各埠商旅。軍艦投港者。不擇晝夜。港法十點鐘。禁夜行。

雞鳴除穢。家家振鐸。收塵赴曉。鴉不漏點。埃旋有恨。無由街上賞殘花。

一點鐘。街卒入人家。除糞穢。六點鐘。振鐸巡街。人家收塵芥付之。昏旦洒掃。皆有定則。不留一塵。故稠密萬戶。無惡疫之患。

髻髮童少。可憐生綺縠。束腰鞋鞵輕。三尺繡車。蓋絹幕。追隨家眷弄春晴。

歐俗食後一時。盤桓園中。稱曰消食課。婦女掣孩

童。乘小車。嬉游自適。

歐婦嬌粧。照路歧。彩轎四面半垂帷。乃夫跟後承顏色。手執鞭杖。徒步隨。

歐俗婦女在座。不喫烟。不妄言笑。婦在輿。夫步從其後。曰凌虐婦女。野蠻之俗。

南陌煙花三月天。倚欄指點候旗懸。符號諳熟。各般色認。是英船。是法船。

山頂候臺。騰出入船艦。有大艦進港者。揭符號旗。標港人望見。準備用具。

東妓艷裝。當酒壚。十千能解醉。洋奴尤堪憐。殺是嬌舌。英語相酬。弄貫珠。

日婦娼家七戶。婦曾爲歐人妾者。故能解歐語。得歐人歡心。港法娼家婦爲主。不得置男子。路遶山腰。坦似砥。臨觀全港小盆池。花旗是米翎。旗普第一。分明是日旗。

歐艦東航者。至香港儲糧炭。分航日本及中土。其西航者。亦必由香港。平時繫泊大小艦八九十隻。爲東洋必由埠頭。

聞說安南屢挫師。雞籠援絕日孤危。真成虞虢同唇齒。漏戶網繆是此時。

南洋艦隊援臺灣。爲法艦所要擊。日報累載人心洶洶。

循環申滬日成篇。付刻爭傳紙萬千。漏泄滿腔憂世熱。令嚴却借外人權。

香港有循環日報。上海有申滬二報。中土禁日報。外人開局雇文士編輯。專主直筆。言極剴切。

關職不征設法良。埠頭坐致族梳櫛。如何劉晏講財政。徵稅新開賭博場。

香港不設海關。故五方商旅。續至如歸。西班牙占澳門商權。二百年。香港一開。日愈衰絀。乃開博場。徵賭稅。法事起。廣東以急軍需。仿澳門開四所博場。納賭稅。充軍費。噫急。

埋骨巖根徹底清。璵璠卉木是佳城。死歸七十二元素。不

說子孫出九鄉。

墓域在東郭。池設噴水機。四邊列植花草。芊綿芬芳。一如庭園。墓制不一。間有石造十字架。洋字記姓名日月。

縱橫鐵線罔羅張。不害歐亞隔海洋。直縛電光供使用。笑他役鬼費長房。

香港通電線。乃遍開漢土各埠電信。天津以北。至通州而止。及法事急。始接信線京城。於是北自北京。南至廣東。無所不通。

明末遺臣遁島中。國初海賊作淵叢。一朝歸此紅瞳手。輻湊五方傾海東。

香港。廣東通誌所不載。府省本不知有此島。島有一漁落。傳爲明人避亂者。國初海盜以官威不及。潛居爲淵叢。

煙館總成風月媒。氤氳香液燼情灰。自從漂客酒罌毒。兩斧更多一斧來。

各埠娼樓。必設片煙器具。漂客沈洵。遂致癮疾。唯香港設煙禁。故不署標識。

不問人間有惡羞。任呼爲馬又爲牛。唯將赤吝消年月。做得富翁死即休。

中土小民。負販逐利。裸跣操役。賭博欺騙。鄙吝貪濁。居之不疑。數年後。囊蓄千金歸。故英人賤中人。

特甚。

此輩營生亦淡哉。扁舟波上長童孩。浮家泛宅高人願。應分見他占得來。

小艇載客積貨。往來大船者。皆以舟爲家。跣足短衣。面色如漆。爲一種族。在陸者不敢齒。聞廣東此種有若干萬。

送歲只應頌舜天。迎正祇合祝堯年。如何爆發連昏曉。萬戶一般慘淡煙。

中土吉凶有事。例放爆竹。曰祓不祥。唯香港英管。除夕以外。禁放爆。余之就治香港。會陰曆除夕。百雷交發。屋瓦皆震。西街纔止。東街繼起。殷殷轟轟。

至日昇始休。至初四夜始寂。中戶以上。所消炮藥。直三四百金。中土風俗不可解者。葬用風水言。喫毒煙。說仙佛。崇淫祀。信禱呪。官衙門畫獐鬼。送葬雇泣人。及爆竹。殆以兒戲爲國俗者。蓋由士大夫見道不明。自信不篤也。

吉語聯楣祝歲時。十年龜鶴萬年芝。喧闐鉦鼓獅兒舞。遠客轉成鄉國思。

新年每家紅紙書聯語。貼門楣。我邦寺門。署立春大吉。或此遺風。乞兒鳴鉦鼓。被獅面。舞踢街上。求錢。類我俗大神樂。

東帝西帝中央帝。協將帝力鑿渾沌。鵬程八萬眼前是。誰

道。莊周是寓言。

鄒衍所謂九州外有八紘。莊周借大鵬渾沌。遣荒唐之言。殆似看破五洲大勢者。彼在三千年上。想像及此。殆類歐土預言者。謂識徹萬古可也。

右香港雜詩。任口押韻。爲排病悶之資者。拉雜無章。姪濯在旁。筆其稍爲語者。本無意存錄。東歸後病再劇。尋上閱此卷。私以爲英人畧香港。爲根據之地。威壓東洋。此五州大變。立國東洋者。不可一日忽之。而香港開創日淺。未有一書紀其風土者。顧此箋箋者言。固無足觀。唯次開埠以來梗概。畧得要領。因加刪潤。爲三十首。又恐香港大埠。非韻語所能悉。每首下註。詳明事實。凡詠

風土。與詠史一般。不註事實。不知何所詠。况香港語言文字。一般仿歐。尺寸以上須譯人。始辨其事乎。幸莫咎其猥瑣也。

明治廿年丁亥十月於石鼓亭

鹿門道人岡千仞

觀光游草卷下終

藏名山房藏版書目

尊攘紀事八卷

尊攘紀事補遺四卷

法蘭西志六卷

米利堅志四卷

涉史偶筆六卷

涉史續筆六卷

東旋詩紀一卷

北游詩草二卷

禹于日錄一卷

藤山房藏

風詠日錄一卷

觀光紀游十卷

觀光游草二卷

我鹿門先生強歲掛冠。林下優游從事鉛槧。著書等身。附梓行世者十二種。此揭書目。

明治廿年丁亥十一月一日

受業生 館森鴻

明治二十年十一月三日印刷
同二十一年二月十日出版

定價金二十五錢

發行者

宮城縣士族

岡 千 仞

東京芝區愛宕下町
三丁目壹番地

印刷人

東京府平民

近 藤 圭 造

深川公園地第十八號

